

那珂通世編

支那通史

東京中央堂發兌

支那通史卷之三目錄

中世史中

第一篇 西晉

第一章 晉室失政

第二章 夷狄亂晉

第二篇 東晉

第一章 元帝保江東

第二章 王敦蘇峻之叛附陶侃鎮荆

第三章 趙成燕代事蹟

第四章 王導輔政桓溫滅蜀

第五章 趙燕秦之興亡附桓溫北伐

第六章 桓溫逆謀

第七章 符堅之敗

第八章 中原大亂及後魏興

第九章 劉裕篡晉

第三篇 南北朝

第一章 魏太武經營四方附南北分朝

第二章 宋齊篡弒相仍

第三章 魏孝文帝尚文治

那珂通世編

支那通史

東京中央堂發兌

支那通史卷之三目錄

中世史中

第一篇 西晉

第一章 晉室失政

第二章 夷狄亂晉

第二篇 東晉

第一章 元帝保江東

第二章 王敦蘇峻之叛附陶侃鎮荆

第三章 趙成燕代事蹟

第四章 王導輔政桓溫滅蜀

第五章 趙燕秦之興亡附桓溫北伐

第六章 桓溫逆謀

第七章 符堅之敗

第八章 中原大亂及後魏興

第九章 劉裕篡晉


第三篇 南北朝

第一章 魏太武經營四方附南北分朝

第二章 宋齊篡弒相仍

第三章 魏孝文帝尚文治

W211986



第四章 魏哀亂

第五章 侯景亂梁

第六章 周代魏陳代梁附北齊 暴亂

第七章 周平北齊隋代周并梁陳

第四篇 隋

第一章 煬帝奢淫

第二章 隋國分崩

第三章 唐定禍亂

第五篇 唐上

第一章 李世民擅殺兄弟

第二章 太宗之治

第三章 太宗威加四夷

第四章 武韋之禍附玄宗再定內難

第五章 開元之政

第六章 安史之亂附吐蕃回紇之寇

第六篇 唐下

第一章 藩鎮跋扈附德宗失政

第二章 憲宗英武

第三章 宦官之禍

第四章 牛李之黨

第五章 宣宗明察

第六章 唐末大亂

第七篇 外國事畧

第一章 突厥

第二章 回紇

第三章 三韓上

第四章 三韓下附渤海

第五章 倭漢之交通

第八篇 文學宗教

第一章 學制

第二章 儒學文藝

第三章 佛教

第四章 道教

第五章 耶蘇教

第九篇 制度之沿革

第一章 職官

第二章 州郡

第三章 選舉

第四章 租稅

支那通史卷之三

盛岡 那珂通世 編

中世史中

第一篇 西晉

第一章 晉室失政

四節晉武帝魏名儒王肅之外孫也家本傳禮故郊廟之禮多從肅
六節說其喪文帝及王太后素冠蔬食以終三年優遇宗室務存禮意
 然性極奢縱嘗詔國內權禁嫁娶取良家女五千餘人入宮選之
 號哭之聲聞於外及并吳又選吳伎妾五千人入宮常乘羊車恣
 其所之宮人競取竹葉插戶鹽汁灑地以引帝車至便宴寢皇后
 父楊駿用事交通請謁勳舊多被疎退與群臣語未嘗有經國遠
 謀自吳既平謂天下無事盡去州郡武備漢魏以來羌胡鮮卑降
 者多處塞內諸郡屢因忿恨殺害吏民侍御史郭欽上疏謂宜及

平吳之威漸徙內郡雜胡於邊地峻四夷出入之防明先王荒服之制帝不聽卒為中國患四四七節皇太子衷性不慧武帝為納賈充

女為妃妃多權詐太子變而畏之衛瓘嘗侍帝宴陽醉跪於前以手撫床曰此座可惜帝意悟悉召東宮官屬設宴而密封尚書疑

事令太子決之賈妃大懼倩外人代對令太子自寫以上帝悅因得不廢四四八節武帝在位二十五年崩太子立是為孝惠帝賈妃為

皇后預政武悼楊后惠帝母武元后之從妹武元早崩入繼室惠帝尊為太后父駿為太傅大都督賈后殺駿而廢太后殺太宰汝

南國名屬豫州今河南汝寧府王亮文帝庶弟殺太保衛瓘殺衛將軍楚國名屬徐州今江蘇徐州府王璋武帝庶弟用張華裴頠王戎並管機要華以文學才識名重一時后難凶

險猶知敬重與頠同心輔政數年之間雖暗主在上而朝野安靜四四九節王戎竹林七賢之一也立朝無所匡救與時浮沈性復貪吝

田園遍諸州執牙籌晝夜會計家有好李恐人得其種常鑽其核

凡所賞拔專事虛名阮咸之子瞻見戎戎問曰聖人貴名教老莊明自然其旨同異瞻曰將無同戎咨嗟良久遂辟之時人謂之三

語掾四五〇節是時王戎從樂廣皆善清談朝野爭慕倣之行神情明秀少時山濤見之曰何物老嫗生寧馨兒然誤天下蒼生者未

必非此人也行第澄及阮咸畢卓等皆以任放為達醉狂裸體不以為非卓嘗為吏部郎比舍郎釀熟卓夜至甕間盜飲為守者所

縛旦視之乃畢吏部也樂廣聞而笑之曰名教中自有樂地何必乃爾初魏時何晏等立論以為天地萬物皆以無為本行等愛重

之裴頠著崇有論以釋其弊亦不能救也四五二節賈后淫虐日甚太子適非其所生后廢殺之永康元年惠帝十一年我紀元九百六十年征西大將軍趙

射裴頠自為相國淮南國名屬揚州今安徽鳳陽府及滁和二州廬州府治王安武帝庶子率兵討倫不克

而死倫加九錫明年逼帝禪位黨與皆為將相奴卒亦加爵位每

朝會貂蟬盈坐時人語曰貂不足狗尾續齊國名屬青州今山東青州府王岡武帝之姪

鎮許昌縣名屬河南許州今河南許州成都國名屬益州今四川成都府王穎武帝庶子鎮鄴南彰德府臨彰縣河

間國名屬冀州今直隸河間府獻縣王顥宣帝姪孫鎮關中共舉兵討倫倫伏誅岡入輔政驕

奢擅權太安元年惠帝十三年顥檄長沙國名屬荊州今湖南長沙府王又武帝庶子使擊殺之

四五二年顥與穎舉兵反入奉帝數與穎兵戰永興元年惠帝十五年東海

國名屬徐州今山東沂州府南境及江蘇海州王越宣帝之姪在京慮事不濟收又納外兵使顥將張

方殺入穎入京為丞相尋還鄴顥表穎為皇太弟丞相如故乘輿

服御皆遷于鄴顥為太宰大都督越奉帝討穎穎擊敗之迎帝入

鄴越走歸國幽州今直隸北境及盛京省都督王俊起兵擊穎穎戰敗奉帝還

洛陽時顥遣張方救穎方擁帝及穎趨長安顥廢穎更立豫章國名屬揚州今江西南昌瑞州臨江三府王熾為太弟二年越起兵于徐州今江蘇大江以北及山東沂州府安徽泗州范

陽國名屬幽州今直隸順天府涿州及易州王虓宣帝之姪自許昌應之光熙元年惠帝十七年越遣將西

入長安奉帝還洛陽越為太傅輔政虓為司空鎮鄴穎自武關在陝

西商東奔途被執送于鄴幽之會虓卒虓長史殺穎顥亦為南陽

國名屬荊州今河南南陽府王模東海王越之姪所殺四五惠帝極昏愚值凶歲百姓餓

死帝曰何不食肉糜方賈后專政時人知亂將作索靖指洛陽宮

門銅駝歎曰會見汝在荆棘中耳趙王倫亂後宗室迭相殘滅晉

國分崩諸王與事者前後八人汝南王亮楚王瑋趙王倫齊王冏成都王穎河間王顥長沙王又東海王越世謂之

八王之亂惠帝在位十七年食麵中毒而崩或曰太傅越鳩之也

太弟熾立是為孝懷帝

第二章 夷狄亂晉

四五匈奴自漢以來臣事中國入居塞內以先世為漢婿冒姓劉氏

魏武分其眾為五部左賢王劉豹單于於扶羅之子也為左部帥

居太原郡名屬并州今山西太原府茲氏縣名今汾州府治豹子淵幼而雋異博習經史嘗

曰吾恥隨陸無武遇高帝而不能建封侯之業絳灌無文遇文帝

不能興庠序之教豈不惜哉於是兼學武事及長膂力過人姿貌

三

魁偉初為任子在洛陽豹死武帝以淵代為左部帥既而為北部都尉五部豪傑幽冀幽州見前冀州今直隸中部及山東北境名儒多往歸之四五成都王穎

鎮鄴表淵監五部軍事使將兵在鄴淵從祖右賢王宣謂族人曰漢亡以來我單于徒有虛號無復尺土自餘王侯降同編戶今我

眾雖衰猶不減二萬奈何斂手受役奄過百年司馬氏骨肉相殘四海鼎沸左賢王英武超世復呼韓邪之業此其時矣乃相與謀

推戴之淵說穎請歸發五部來助既至左國城故城在山西汾州府永寧州東北宣等上大單于之號胡晉歸之者愈眾淵謂羣臣曰吾漢氏之甥約為

兄弟兄亡弟紹不亦可乎乃稱漢王追謚劉禪曰孝懷皇帝祭漢三祖高祖世宗顯宗肅宗時惠帝永興元年也淵子聰驍勇絕人

博涉經史善屬文族子曜早孤養於淵亦有文武才至是皆為淵將又有石勒者上黨郡名屬并州今山西路安澤州一府及沁州武鄉縣名今屬沁州羯人也羯匈奴別部勒父祖為其小帥并州今山西省除霍州以西南饑亂勒被掠賣為人奴主

人奇其狀貌而免之乃結壯士為羣盜已從漢勒有勇力善騎射淵以為輔漢將軍四五惠帝時氏羗屢侵擾關隴且歲荐饑畧陽

者其先巴西郡名屬梁州今四川成都府漢州及潼川府蠻種也特祖始遷畧陽號曰巴氏特兄弟有材武以流民入蜀據廣漢郡名屬梁州今四川成都府漢州及潼川府特自稱大將軍益州

及貴州大半今四川西南境牧刺史羅尚擊斬之弟流代領其眾勢復盛流死特子雄代之攻走羅尚取成都縣名蜀郡益州俱治之劉淵稱王之歲雄亦稱成都

王後稱帝國號曰成四五漢魏間匈奴已衰鮮卑轉繁盛部族甚多至晉世有段宇文慕容拓跋禿髮乞伏諸族遍布于北邊自遼

東郡名屬平州今盛京省東境至河西謂涼州諸郡無所不居而慕容拓跋二氏最著武帝時慕容廆屢侵晉邊既而請降晉以為鮮卑都督自遼東徙居徒

河縣名屬遼西郡故城在盛京錦州府城西北又徙大棘城故城在錦州府義州西北修政撫民流亡多歸之及

惠懷之世慕容部日以強盛廆自稱鮮卑大單于四五拓跋氏世

居北荒不交南夏其俗以索辨髮因號索頭部其酋曰可汗猶言

單于也魏時詰汾可汗南遷居匈奴故地其子力微復徙盛樂故

城縣名前漢定襄郡治後漢屬雲中郡故城在山西歸化城南晉惠帝時力微少子祿官為可汗分國為

三部一居上谷郡名屬幽州今直隸宣化府之北自統之一居代郡屬幽州今宣化府蔚州及山西大同府東境

之北使兄子猗屯統之一居盛樂使猗屯弟猗盧統之晉人附者

稍衆猗屯渡漠北巡西畧諸國降附者三十餘國及猗屯祿官死

猗盧總攝三部拓跋氏之盛始於此夷狄亂華之禍萌蘖於漢魏

至是乘晉之亂始四起四五節懷帝永嘉二年我紀元九百六十八年漢王劉淵稱

帝徙都平陽縣名平陽郡治今山西平陽府治遣楚王聰石勒等連攻晉內郡取之四

年淵殂謚曰光文帝太子和立忌聰欲殺之聰弒而代之四六節晉

太傅越以羽檄徵四方兵入援卒無至者越自帥兵拒石勒五年

越卒勒追敗晉兵縱騎圍而射之將士十餘萬人無一免者執太

尉王衍等問以晉故行具陳禍敗之由云計不由己且言少無宦

情不豫世事勒曰君少壯登朝名蓋四海身居重任何得言無宦

情邪破壞天下非君而誰夜使人殺之四六節漢兵進陷洛陽執懷

帝送平陽封為會稽郡公帝姪秦王業趨許昌六年雍州今陝西西安同州鳳翔三

府及甘肅涇州刺史賈疋迎入長安奉為皇太子建行臺石勒引兵據襄國

縣名屬廣平郡今直隸順德府治漢以為冀州牧明年孝愍帝建興元年漢主聰宴羣臣使懷帝

著青衣行酒尋殺之凶問至長安太子業舉哀即位是為孝愍帝

愍帝建興四年漢中山王曜攻陷長安帝出降送諸平陽封為懷

安侯漢主復命帝行酒洗爵又使執蓋遂殺之

第二篇 東晉

第一章 元帝保江東附漢改號趙

四六晉瑯邪國名屬徐州今山東沂州府王睿者武帝叔父瑯邪武王佃之孫也於惠

懷為再從兄弟懷帝時為安東將軍都督揚州今江蘇大江以南及安徽淮水以南鎮建

業縣名丹陽郡治吳舊都今江蘇江寧府治以王導為謀主每事咨焉睿名論素輕兵人不附

導勸用賢俊得卞壺庾亮刁協等百餘人為掾屬謂之百六掾撫

綏新舊江東歸心四六周顛桓彝等避亂過江彝見睿微弱憂之

既而見導退謂顛曰江左有管夷吾吾無憂矣諸名士遊宴新亭

顛中坐歎曰風景不殊舉目有江河之異因相視流涕導曰當戮

力王室克復神州何至作楚囚對泣邪四六愍帝以睿為左丞相

詔以時進軍睿辭以江東未平洛陽祖逖少有大志南渡請兵於

睿睿素無北伐之志以逖為豫州今河南東南境安徽淮北湖北黃州府刺史與兵千人不

給鎧仗逖渡江中流擊楫而誓曰祖逖不能清中原而復濟者有

如此江愍帝又以睿為丞相都督中外諸軍事長安陷睿出師露

次移檄北征實不行官屬勸即晉王位明年遂即帝位是為中宗

元帝以其據江東史謂之東晉四六元帝大興元年即位二年我紀元九百七十八年

漢主聰殂太子粲立太后父斬準弑之自稱漢天王劉氏男女無

少長皆斬之石勒討準破之中山王曜自立于赤壁地名在山西絳州河津縣北封

勒為趙公未幾準被殺明年曜徙都長安改國號為趙祀上祖冒

頓配天勒與曜有隙自稱趙王史稱勒國為後趙四六晉祖逖取

譙城在河南歸德府夏邑縣北進屯雍丘縣名屬陳留郡今河南開封府杞縣勸課農桑撫納新附後趙鎮

戍歸逖者甚眾元帝以戴淵為征西將軍都督司豫司州即魏之司隸校尉所部豫州見上

逖以己剪荆棘收河南地而淵雍容一旦來統之意甚怏怏又聞

王敦與廷臣構隙將有內難知大功不遂感激發病卒豫州士女

若喪父母

第二章 晉王敦蘇峻之叛附陶侃鎮荆

四六 王敦太尉行之弟也初與從弟導同心翼戴元帝亦推心任之

敦總征討導專機政羣從子弟布列顯要時人語曰王與馬共天

下敦為鎮東大將軍都督江今湖北武昌府及九江福建揚見前荆今湖北及河南南陽府陝

湘今湖南大半及兩廣北境交今廣東西南及安南國廣今兩廣之大半六州諸軍事恃功驕恣帝畏惡之

乃引劉隗刁協為腹心稍抑損王氏權導亦漸見疎外四六 敦參

軍錢鳳等兇狡知敦有異志陰為畫策敦遂舉兵武昌縣名武昌郡及江州治之今屬

府武昌以誅劉隗刁協為名隗協勸帝盡誅王氏帝不許導率宗族每

旦詣臺城名在江寧府城西北待罪周顛將入導呼之曰伯仁以百口累卿顛

不顧入見帝言導忠誠申救甚至帝納其言顛醉而出導又呼顛

不與言顧左右曰今年殺諸賊奴取金印如斗大繫肘後既出又

上表明導無罪導不知恨之帝召見導導稽首曰亂臣賊子何代

無之不意今者近出臣族帝跣而執其手曰茂弘方寄卿以百里

之命以為前鋒大都督敦至石頭城在江寧府城西據之協隗等分道出戰

大敗而還帝令百官詣石頭見敦敦欲殺周顛戴淵以問導導不

敢救遂見害後檢中書故事見顛表流涕曰吾雖不殺伯仁伯仁

由我而死幽冥之中負此良友四六 太子紹幼而聰慧及長仁孝

好賢禮士與庾亮溫嶠等為布衣之交王敦在石頭忌太子有勇

畧欲誣以不孝而廢之賴嶠等衆論得沮其謀敦不朝而去還武

昌元帝憂憤成疾而崩在位六年太子立是為肅宗明帝四七 敦

謀篡位移鎮姑孰城名今安徽太平府治以導為司徒自領揚州牧明帝加導大

都督督諸軍討敦敦將舉兵病篤使郭璞筮之璞曰明公起事禍

必不久敦大怒曰卿壽幾何璞曰命盡今日日中敦斬之使兄含

等帥衆向京帝自出屯南皇堂夜募壯士掩含軍破之敦聞含敗

曰我兄老婢耳門戶衰世事去矣我當力行因作勢而起困乏復

卧尋卒敦黨悉平發敦屍斬之有司奏王氏當除名詔曰司徒導以

大義滅親將百世宥之悉無所問四七 惠帝末年劉弘都督荊州

威行江漢舉陶侃為將討平義陽郡名屬荆州今河南汝寧府信陽州湖北德安府隨州等叛蠻張昌

又討破江東叛將陳敏弘卒南州復亂元帝鎮江東以侃守武昌

擊走湘州劇賊杜弢王敦表刺荆州既而忌之左轉廣州時王機

盜據廣州侃直至討平之明帝以侃為征西大將軍都督荆湘等

州軍事荆州士女相慶侃性聰敏恭勤檢攝眾事未嘗少閑嘗曰

大禹聖人乃惜寸陰眾人當惜分陰諸參佐以談戲廢事者命取

其酒器蒲博具悉投於江曰擄蒲者牧猪奴戲耳老莊浮華不益

實用君子當正其威儀何有蓬頭跣足自謂宏達邪在軍四十一

年明毅善斷人不能欺威名赫然自南陵成名在安徽太平府繁昌縣西南至白帝城名在四

川夔州府城東二百餘里路不拾遺四七明帝在位三年崩太子衍立年五

歲是為顯宗成帝王導與中書令庾亮尚書令卞壺輔政蘇峻前

守臨淮郡名屬徐州今安徽泗州於王敦再反時入衛有功威望漸著遷歷陽郡名屬揚州今

安徽和州內史卒銳器精志輕朝廷招納亡命庾亮建請徵峻為大司農

峻拒命江州都督溫嶠聞之欲入衛亮不聽峻舉兵犯闕卞壺力

戰死亮奔依嶠嶠邀陶侃入討峻斬之

第三章 趙成燕代事蹟

四七趙主劉曜與後趙石勒連攻戰互有勝負曜攻後趙金鏞城洛陽北隅也在今河南河南府城東北

勒自將救之戰于洛陽趙兵大潰曜醉墜馬為勒獲

歸殺之卒平關西前趙亡勒稱天王尋稱帝勒從子虎性殘忍每

屠城邑鮮有遺類然御眾嚴而不煩軍功最多勒封為中山王

四七勒饗羣臣問曰朕可方古何主或曰過於漢高勒笑曰人豈不

自知卿言太過若遇高帝當北面事之與韓彭比肩耳若遇光武

當並驅中原未知鹿死誰手大丈夫行事當礪礪落落如日月皎

然終不效曹孟德司馬仲達欺人孤兒寡婦狐媚以取天下也勒

雖不學好使諸生讀書而聽之時以其意論得失聞者悅服嘗使

人讀漢書至酈食其勸立六國後驚曰此法當失何以遂得天下

及聞留侯諫乃曰賴有此耳晉成帝咸和八年我紀元九百九十二年勒殂太子

弘立中山王虎為丞相魏王尋弒弘自稱趙天王徙都鄴四七節

主李雄以兄子班為太子雄殂班立雄子越弒班而立弟期期忌

族父漢王壽威名使出屯于外咸康四年成帝十三年壽襲成都弒期而

自立改國號曰漢四七節懷帝時拓跋猗盧已強并州刺史劉琨結

為兄弟表為大單于封代公猗盧帥部落自雲中漢故郡今歸化城土默特界內入雁

門郡名屬并州今山西代州治寧武府治大同府西境朔平府南境琨與以陘山名又名勾注在代州西北北之地嘗為琨援

大敗漢兵於晉陽縣名太原郡及并州治今山西太原府太原縣猗盧城盛樂以為北都平城縣名

舊屬雁門郡今大同府治為南都愍帝進其爵為王食代見四五節常山屬冀州今直隸正定府二郡

猗盧為其子所弒國大亂自是內難相踵部落離散成帝時猗盧

從孫翳槐立翳槐弟什翼健質於趙王石虎翳槐臨卒命諸大人

迎立之什翼健雄勇有智畧能修祖業始制百官號令明白政事

清簡於是東自濊貊東夷種名居今朝鮮北境西及破落那漢大宛國今中亞細亞浩罕地率皆歸服

有衆數十萬都盛樂拓跋氏愈大四七節元帝時慕容廆大敗宇文

氏取遼東遣使獻捷于晉元帝以廆為平州今盛京省及朝鮮西境牧遼東公

石勒殂之歲廆卒世子皝立皝雄毅多權畧喜經術其下勸稱燕

王築龍城故城在內蒙古土默特右翼西都之西摧段氏南卻趙王虎兵東伐高句麗

朝鮮三國之一今朝鮮北境及興京之地毀其都城北滅宇文氏襲扶餘東夷國名今盛京東北境虜其王以

歸

第四章 王道輔政及桓溫滅蜀

四七節晉成帝即位冲幼每見王道必拜既冠猶然以導為丞相委以

國政導性寬縱所任諸將多不奉法大臣患之初蘇峻之亂庾亮

敷之也峻平亮泥首謝罪出為豫州刺史陶侃卒亮代鎮武昌見

導之專欲起兵廢之或勸導密為之備導曰吾與元規休戚是同

元規若來吾便角巾還第復何懼哉亮成帝之舅也雖居外鎮而

遙執朝權趨勢者多歸之導內不能平嘗遇西風塵起舉扇自蔽

徐曰元規塵汚人導簡素寡欲輔相二世倉無儲穀衣不重帛及卒詔喪葬參用天子禮四七庚亮欲開復中原上疏請率大衆移

鎮石城山名在河南汝寧府信陽州東南遣諸軍羅布江沔沔漢水異名為伐趙之規王導欲

許之太常蔡謨曰不能以大江禦蘇峻安能以沔水禦石虎乃詔

亮不許移鎮亮卒以其弟翼代之四八翼為人慷慨喜功名不尚

浮華瑯邪內史桓溫桓溫之子豪爽有風概翼薦之曰英雄之才宜委

以方召之任殷浩才名冠世翼弗之重曰此輩宜束之高閣俟天

下太平徐議其任耳浩累辭徵辟時人擬之管葛翼請浩為司馬

不應翼以王夷甫嘲之夷甫者王衍字也四八成帝在位十七年

崩二子丕奕並在襁褓帝臨崩以弟瑯邪王岳為嗣岳即位是為

康帝庚翼以滅胡取蜀為己任康帝建元元年我紀元一千三年欲悉衆北伐

以桓溫為前鋒督詔加翼都督征討諸軍事康帝在位二年崩太

子聃立年三歲是為孝宗穆帝叔祖會稽王即名屬揚州今浙江紹興府昱輔政穆

帝永和元年我紀元一千五年庚翼卒遺表以其子領荊州侍中何充曰荆楚

國之西門豈可以白面少年當之桓溫英畧過人西任無出溫者

丹陽郡名屬揚州今江蘇江寧府尹劉惔知溫有不臣之志謂會稽王曰溫不可使

居形勝之地王不聽以溫都督荆梁等州軍事梁州今陝西南境及四川東北境時漢

主李壽已殂太子勢立驕淫不恤國事溫帥師伐之拜表即行三

年進至成都勢出降送諸建康即建業晉都晉封為歸義侯李漢亡

第五章 趙燕秦之興亡附桓溫北伐

四八趙王石虎作臺觀于鄴又營長安洛陽二宮作者數十萬人發

美女三萬人充內官郡縣多強奪人妻其夫死者二千餘人命太

子宣出獵建天子旌旗戎卒十八萬虎望見笑曰我家父子如此

自非天崩地陷當復何愁宣所過十五郡資儲皆空虎復命宣弟

秦公韜繼出亦如之宣忌韜殺之虎又殺宣極慘酷立少子世為

太子晉永和五年虎稱帝尋殂太子世立其兄彭城王遵弒之而

下

趙燕秦之興亡

十

自立趙亂晉征討都督褚裒率師伐之晉人皆以中原指期可復

蔡謨獨謂莫若度德量力必經營分表恐憂及朝廷裒部將敗沒

裒退還三節趙主遵謀殺大將軍石閔閔弒遵而立遵弟義陽王

鑑鑑又欲殺閔閔幽鑑殺胡羯二十萬人六年閔弒鑑自稱魏帝

殺虎三十八孫盡滅石氏閔本姓冉為虎所養至是復其姓時燕

王慕容皝已卒世子儁立儁與弟垂伐趙拔薊城薊縣名今京城地徙都之

虎子新興王祗自立于襄國七年祗為其下所弒後趙亡八年燕

兵破魏執冉閔歸殺之儁稱帝後徙都鄴儁殂太子暉立四節初

畧陽臨渭縣名畧陽郡治故城在甘肅秦州秦安縣東南氏酋蒲洪驍勇多權畧羣氏畏服之漢

主劉聰拜為將軍不受自稱畧陽公南安郡名屬秦州今甘肅鞏昌府北境赤亭在鞏昌府城東

羗姚弋仲亦有威望東徙榆眉漢故縣今陝西鳳翔府汧陽縣戎夏襁負隨之者數万

自稱扶風郡名屬雍州今陝西安府西北境及鳳翔府公二人後皆附趙主劉曜又事後趙石

勒石虎虎以洪為流民都督居枋頭城名在河南備州府濬縣西南後都督雍秦州秦州

今甘肅南境以弋仲為西羗大都督居灃頭城名在直隸冀州棗強縣東北後為六夷匈奴羯鮮卑氏羗巴蠻

大都督四節石閔言於趙主石遵曰蒲洪人傑也今鎮關中恐秦

雍非復國家之有遵罷洪都督洪怒歸枋頭遣使降于晉及閔篡

趙洪弋仲各欲據關西弋仲遣其子襄擊洪洪迎擊破之自稱三

秦王改姓符洪先擒趙將麻秋不殺而用其言因宴為秋所鴆世

子健斬秋率衆入長安自稱秦天王除趙苛政尋稱帝弋仲遣使

降于晉尋卒襄率其衆歸晉詔屯譙城襄博學善談論江東人士

皆重之四節桓溫既滅蜀威名大振晉廷憚之會稽王昱以殷浩

有盛名引為心膂欲以抗溫及聞中原大亂復謀進取以浩都督

揚豫等州浩惡姚襄強盛遣兵襲之不克浩率諸軍欲進據洛陽

襄伏甲邀擊走之遣使降于燕主慕容儁浩連年北伐無功桓溫

上疏請廢之乃免為庶人自是內外大權歸溫矣四節永和十年

溫帥師北伐大敗秦兵于藍田縣名屬京兆郡今屬陝西西安府轉戰至灃上灃水名在西安府城東

秦主符健閉長安小城自守三輔京兆馮翊扶風三郡今西安同州鳳翔三府皆降溫撫諭居

民民爭持牛酒迎勞男女夾路觀之耆老有垂泣者曰不圖今日

復覩官軍北海郡名屬青州今山東青州府東境王猛少好學倜儻有大志隱居華陰

縣名屬宏農郡今屬陝西同州府聞溫入關被褐謁之捫蝨而談當世之務旁若無人

溫異之問曰吾奉天子命除殘賊而三秦豪傑未有至者何也猛

曰公不遠數千里深入敵境今長安咫尺而不渡灞水百姓未知

公心所以不至溫默然無以應徐曰江東無卿比也溫與秦兵戰

于白鹿原在灞水上不利秦人清野溫軍乏食敗退欲與猛俱還猛辭

不就明年秦主健殂太子生立姚襄據許洛桓溫督諸軍伐

之進至河上登船樓北望中原歎曰使神州陸沈百年丘墟王夷

甫諸人不得不任其責敗襄于伊水入洛陽謁諸陵置戍而還襄

北奔平陽將圖關中秦主符生遣將拒擊斬之襄弟萇以衆降于

秦四八節秦主生狂悖殘虐中外離心從弟東海王堅弒之自立為

秦天王或薦王猛堅一見如舊友自謂如玄德之遇孔明也一歲

五遷官舉異材修廢職課農桑恤困窮秦民大悅四九節晉穆帝在

位十七年崩無嗣成帝子瑯邪王丕立是為哀帝哀帝在位四年

崩弟瑯邪王奕立會稽王昱為丞相哀帝末年燕太原王慕容恪

畧取河南諸城與弟吳王垂共攻洛陽克之恪垂皆燕主暉之叔

父也恪以太宰輔暉國威益振臨卒暉問以後事恪曰吳王文武

兼資管蕭之亞若任以大政國家可安不然秦晉必有窺窬之計

暉不能從委政叔祖太傅評晉帝奕太和四年我紀元千九百一十九年桓溫伐燕

至枋頭暉懼謀奔和龍即龍城垂請拒之大敗晉兵溫走還垂威名日

盛大傅評忌欲殺之垂出奔秦五年秦王猛督諸軍伐燕與評戰

于潞川又名漳水在山西路安府潞城縣北敗之長驅圍鄴號令嚴明軍無私犯燕民各安

其業秦王符堅繼進入鄴執燕主暉以歸封為新興侯關東悉平

後又擊晉西鄙取梁益二州四九節堅以猛為丞相加都督中外諸

軍

事

十二

軍事文武兩寄巨細並關秦王端拱無為委猛不疑猛剛明清肅賞刑必當由是秦國大治富強無敵猛寢疾堅親為祈郊廟社稷至猛第視疾訪以後事猛曰晉雖僻處江南然正朔相承上下安和臣沒之後願勿以晉為圖鮮卑西羗我之仇敵終為人患宜漸除之以安社稷言終而卒鮮卑謂慕容氏西羗謂姚氏也堅哭之曰天不欲使吾平一六合邪何奪吾景畧之速也

第六章 桓溫逆謀

四九晉桓溫自哀帝時為大司馬都督中外諸軍事移鎮姑熟陰蓄不臣之志嘗撫枕歎曰男子不能流芳百世亦當遺臭萬年欲先立功河朔還受九錫及枋頭之敗威名頓挫參軍郝超勸溫行伊霍之事以立大威權太和六年簡文帝咸安元年我紀元千三十一年溫入朝白褚太后康帝廢帝奕為海西公迎立會稽王昱是為太宗簡文帝簡文即位八閱月而不豫急召溫入輔不至遺詔溫依諸葛武侯王丞相

故事帝崩太子昌明立是為烈宗孝武帝四九初謝安少有重名前後徵辟皆不就士大夫相謂曰安石不出如蒼生何年四十餘桓溫請為征西司馬後與王坦之俱仕朝溫望簡文臨終禪位否便居攝既不副所望甚憤疑安坦之所為心銜之孝武帝寧康元年我紀元千三十二年溫入朝詔安坦之迎于新亭都下洵洵或云欲誅王謝因移晉祚溫至百官拜于道側溫大陳兵衛延見朝士坦之甚懼流汗沾衣倒執手板安從容就席謂溫曰安聞諸侯有道守在四隣明公何須壁後置人邪溫命徹之與安笑語移日郝超卧帳中聽其言風動帳開安笑曰郝生可謂入幕之賓矣溫有疾還姑熟諷求九錫安坦之故緩其事尋卒

第七章 符堅之敗

四九晉惠帝時張軌為涼州今甘肅蘭州府以西至安西州刺史治姑臧縣名武威郡治今甘肅涼州府治威著西土懷帝陷沒軌遣兵助愍帝于長安封西平郡名屬涼州今甘肅西寧府公軌

子茂降趙主劉曜曜封為涼王茂卒兄子駿嗣臣於後趙主石勒

而恥之假道于李蜀以通于晉穆帝時駿孫玄靚立稱藩秦主苻

生叔父天錫弒玄靚而代之荒于酒色政亂秦王堅伐之兵至姑

臧天錫面縛出降封為歸義侯四九匈奴劉備居朔方漢故郡今內蒙古鄂爾多斯

大人劉庫仁拒戰大敗衛辰庫仁皆故漢主淵之族也初代世子

寔早卒繼嗣未定於是庶長子寔君殺諸弟并弒什翼健秦兵趨

雲中部眾逃潰秦王堅誅寔君分代為二部自河以東屬庫仁自

河以西屬衛辰使統其眾寔子珪尚幼母賀氏以珪依庫仁庫仁

奉珪恩勤周備不以廢興易意四九秦秦王堅滅燕取蜀平定涼代

版圖之廣數倍晉國東夷西域六十二國皆朝貢堅意驕益窮兵

勢遣呂光遠征欲平西域之未服者是時法制日頽不同王猛在

時慕容姚氏竊欲乘其釁而堅不知也四九晉以秦寇為憂詔求

良將可鎮禦北方者謝安以兄子玄應詔郝超歎曰安之明乃能

違眾舉親玄之才足以不負所舉玄鎮廣陵縣名廣陵郡治今江蘇揚州府治得劉牢

之為參軍常領精銳為前鋒戰無不捷號北府兵秦人畏之四九

秦遣兵分道擊晉克襄陽縣名屬襄陽郡晉梁州寄治之今湖北襄陽府治執梁州刺史朱序以

歸已而議大舉或謂晉有長江之險堅曰以吾之眾投鞭於江足

斷其流時中外皆諫惟慕容垂姚萇勸之親征晉太元八年孝武帝

我紀元千四十二年堅發長安戎卒六十餘萬騎二十七萬水陸齊進運漕萬艘

晉以謝安弟石為征討大都督謝玄為前鋒都督督眾八萬拒之

劉牢之帥精兵五千趣洛澗水名在安徽鳳陽府懷遠縣西南擊破秦前鋒斬其將石

等繼進堅登壽陽城縣名舊名壽春晉淮南郡治今鳳陽府壽州望之見晉兵部陳嚴整又望

八公山在壽州東北草木皆以為晉兵憮然始有懼色秦兵逼肥水在壽州東而

陳玄使人謂曰移陳小卻使我兵得渡以決勝負堅欲使之半渡

而蹙之麾兵使卻秦兵退不可復止朱序在陳後呼曰秦兵敗矣

輒奔晉軍玄等渡水追擊大敗之秦兵崩潰走者聞風聲鶴唳皆以為晉兵至堅中流矢狼狽走還四九節謝安文雅有德量國家有難每鎮之以和靜方秦寇至朝野震動安夷然出遊山野捷書至安方與客甚攝書置床上無喜色圍碁如故客問之徐答曰小兒輩遂已破賊既罷入戶喜甚不覺屐齒折其矯情鎮物如此以太保卒

第八章 中原大亂及後魏興

五〇節秦軍既大敗鮮卑西羌乘釁而興氏運忽衰慕容垂起兵河內郡名今河南南懷慶府自稱燕王是為後燕姚萇起兵北地郡名今陝西西安府耀州自稱秦王是為後秦慕容冲起兵平陽進逼長安冲故燕主暉之弟也暉為秦王堅所殺冲乃稱燕帝是為西燕冲攻長安堅出奔後秦王萇執而殺之堅子長樂公丕稱帝于晉陽燕王垂定都中山郡名今直隸定州稱帝西燕弒其主冲推段隨為燕王又殺隨而東立冲兄子忠為帝

後秦王萇入長安亦稱帝西燕又弒其主忠立慕容永備之從祖兄弟為河

東郡名今山西解州及蒲州府王永擊秦主丕不敗南走晉邊將邀擊殺之永進據

長子縣名屬上黨郡今屬山西路安府稱帝丕族子南安王登自立於南安引兵屢與

後秦戰互有勝負後秦主萇殂太子興立擊秦主登殺之秦太子

崇奔湟中謂湟水之濱今甘肅西寧府稱帝為西秦王乞伏乾歸所殺符氏遂亡時

晉太元十九年孝武帝二十二年我紀元千五百十四年也是歲燕主垂圍長子拔之殺西燕

主永西燕亡於是後燕後秦中分符秦故地與晉國成鼎足之勢

五〇節自符秦失馭中原大亂慕容姚氏雖迭舉大號而威令不能

及遠河南梁益皆復附晉西陲有氏鮮卑匈奴諸部乘時割據數

十年間羣胡紛爭無所統一當是時索頭遺孽再興于塞北征畧

夷夏國勢日盛舉支那北帶之地竟為胡人所戡定矣五〇節秦將

呂光氏種也撫寧西域威恩甚著還據涼州稱涼天王都姑臧是

為後涼光殂太子紹立庶兄纂弒而代之光從子超又弒纂而立

其兄隆鮮卑乞伏國仁據隴右今甘肅蘭州秦主苻登封為苑川故城

在蘭州府靖遠縣西南王國仁卒弟乾歸立稱秦主是為西秦鮮卑秃髮烏孤起

立更稱涼王是為南涼匈奴沮渠蒙遜推段業為主據張掖郡名今甘肅

州業稱涼王是為北涼蒙遜弑業自稱張掖公又有隴西郡名今甘肅人

李暠據敦煌郡名今甘肅安西州敦煌縣稱涼公是為西涼五〇節晉安帝隆安五年

魏道武帝天興四年我紀元十六十一年後秦王姚興伐後涼大破之涼王呂隆降義熙中

興使南涼秃髮儁檀守姑臧北涼沮渠蒙遜擊破儁檀取姑臧都

之稱河西王西秦乞伏乾歸為其姪所弑世子熾盤立熾盤襲南

涼滅之涼公李暠卒世子歆立宋武帝時蒙遜擊殺之滅西涼其

後熾盤卒太子暮末立為夏主赫連定所滅蒙遜後附于魏魏太

武帝封為涼王及蒙遜卒世子牧健立太武滅之五〇節初代劉庫

仁為降人所殺其子顯立將殺拓跋珪珪奔賀蘭部依其舅諸部

大人推珪為代王徙居盛樂改國號曰魏乞師於燕主慕容垂擊

顯走之劉衛辰攻魏珪大破之衛辰走死其子勃勃逃奔後秦垂

惡魏之逼遣太子寶擊之大敗垂殂寶立珪大舉擊燕進圍中山

寶出奔龍城寶族子詳稱帝于中山寶弟趙王麟襲殺詳自立魏

拔中山麟走依叔父范陽王德德據滑臺城名在直隸衛輝府滑縣稱燕王是為

南燕麟謀反被殺燕主寶遇害于龍城寶子長樂王盛誅賊而立

後為其下所弑叔父熙立南燕王德東畧晉地取廣固城名在山東青州府城西北

都之稱帝德殂兄子超立五〇節魏王珪已勝燕徙都平城建宗廟

社稷即帝位是為魏太祖道武帝追尊遠祖可汗毛以下二十八

人皆為帝時晉隆安二年魏天興元年我紀元千五百十八年也史謂之後魏以別於曹

魏道武帝惑方士之說服寒食散藥發躁怒無常屢手刃人晉義
熙五年安帝十三年魏天賜六年道武謹責賀夫人將殺之夫人告其子清河郡名今山東
昌府北境王紹紹素兇狠夜入弑帝長子齊王嗣誅紹而立是為太宗明

元帝五節燕王熙故將馮跋作亂推高雲為主雲稱天王執熙弒之雲高句麗之支屬也為故燕主寶養子至是復其姓雲又為其下所弒馮跋代之是為北燕秦王姚興使劉勃勃鎮朔方勃勃叛秦自謂夏后氏之苗裔稱大夏天王後築統萬城都之故城在陝西榆林府懷遠縣西改姓赫連

第九章 劉裕篡晉

五節晉自敗苻堅以後江東無事孝武帝使弟會稽王道子錄尚書道子專權帝嗜酒流連而已有長星見帝舉酒祝之曰長星勸汝一盃酒世豈有萬年天子邪張貴人寵冠後宮年近三十帝戲之曰汝以年亦當廢矣貴人使婢以被蒙其面而弒之在位二十四年太子德宗立是為安帝會稽王以太傅輔政五節安帝性不慧寒暑飢飽不辨會稽王閻孺專委世子元顯生殺任意民心騷動妖賊孫恩自海島出作亂救劉牢之等討之彭城縣名沛郡治今江蘇徐州府治劉裕

勇健有大志牢之引參軍事嘗遣覘賊遇賊數千人從者皆死裕奮長刀獨驅之眾兵因進擊賊大破之恩屢為裕所敗赴海死其黨盧循復起五節桓溫之子玄嗣父為南郡屬荆州今湖北荆州府八負其才地以雄豪自處嘗守義興郡名屬揚州今江蘇常州府宜興縣鬱鬱不得志嘆曰父為九州伯子為五湖長棄官歸國後為江州刺史尋都督荆江八州

楚王加九錫迫安帝禪位劉裕起兵京口城名今江蘇鎮江府治討玄大破其兵玄出走死于江陵縣名南郡及荆州治今荆州府治帝復位五節南燕主慕容超侵掠晉邊義熙五年安帝十三年魏道武帝天賜六年我紀元千六十九年劉裕抗表伐之明年拔廣固

執超送建康殺之南燕亡盧循乘裕北伐出自番禺縣名南海郡及廣州治今廣東廣州府府順江而下逼京邑裕急還拒之循乃退裕追討破之循奔交州為刺史所擊斬五節桓玄之亂益州參軍譙縱殺其刺史稱藩于

後秦秦王姚興封為蜀王裕遣將討平之十二年魏明元帝泰常元年興殂太

子泓立裕督諸軍伐秦拔洛陽明年破潼關在陝西同州府華陰縣東今置廳遂入長

安泓出降送建康殺之後秦亡夏王赫連勃勃聞裕伐秦曰裕取

關中必矣然不能久留若以子弟諸將守之吾取之如拾芥耳裕

將還三秦父老詣門流涕曰殘民不露王化於今百年始覩衣冠

人人相賀公捨此欲何之乎裕還彭城勃勃進陷長安稱帝歸統

萬五節裕為相國宋公加九錫欲移晉祚以讖云昌明之後尚有

二帝乃使人縊安帝帝在位二十二年弟琅邪王德文立是為恭

帝恭帝元熙元年魏泰帝四年我紀元千七十九年裕進爵為王加殊禮明年至建康

受禪是為宋高祖武帝晉帝降為零陵郡名屬湘州今湖南永州府王已而被殺晉

凡十五帝武帝惠帝懷帝愍帝元帝明帝成帝康帝穆帝哀帝廢帝亦簡文帝孝武帝安帝恭帝百五十六年而亡

第三篇 南北朝

第一章 魏太武經營四方附南北分朝

五節宋武帝在位三年崩太子義符立義符親狎羣小遊戲無度魏

明元帝擊宋取青今山東東北境兗今山東西南境河南諸郡明元崩太子壽立是

為世祖太武帝義符在位二年司空徐羨之等廢而弑之以義符

弟宜都郡名屬荊州今湖北宜昌府王義隆素有令望迎入即位是為太宗文帝文

帝既立殺羨之等五節魏太武帝鷲勇善用兵將士咸盡死力每

戰輒勝夏主赫連勃勃殂太子昌立太武自將伐夏克統萬昌走

上邽縣名天水郡及秦州治故城在甘肅秦州城西魏將追擒之昌弟平原王定自立于平涼縣名

平涼郡治今甘肅平涼府治宋文帝元嘉八年魏太武帝神麌四年我紀元千九十一年定擊破西秦以其王乞

伏慕末歸殺之又欲奪北涼地吐谷渾王邀擊之執定獻于魏夏

亡吐谷渾者慕容民之支屬也世保白蘭山在甘肅西寧府徽外青海西南至是并西

秦故地燕王馮跋殂弟弘立十三年魏太延二年魏伐燕弘奔高麗即高句麗而

被殺北燕亡十六年魏五年魏伐涼姑臧潰其王沮渠牧健降北涼亡

後又擊逐吐谷渾定河湟今甘肅蘭州西寧二府之地而居之吞併諸部士

武時起于漠北奪高車匈奴別部居甘肅迪化州鎮西府境內之地而居之吞併諸部士

馬繁盛雄于北方其酋社崙自稱可汗與魏為敵國社崙死從弟

大檀立太武親征大敗之追至菟園水在外蒙古賽因諾顏部內抗愛山南分軍搜討諸

部降者數十萬落獲馬牛羊二百餘萬大檀憤悒而死後其子吳

提及孫吐賀真連為太武所敗自是柔然屏跡不敢犯魏塞高麗

及西域諸國皆朝貢于魏五節魏司空崔浩博學有智畧自明元

時已為謀臣太武甚寵任之嘗指浩以示屬國渠師曰此人纖弱

不能彎弓然曾中所懷乃過於兵甲朕之武功皆此人所教也後

命修國史書先世事皆詳實僚吏勸浩刊其文於石立之衢路以

彰直筆北人忿恚譖浩暴揚國惡太武大怒案誅之五節宋文帝

欲大舉擊魏王玄謨等勸之沉慶之諫曰耕當問奴織當問婢今

欲伐國而與白面書生謀之事何由濟文帝不聽元嘉二十七年

魏太平真君十一年遣玄謨等出師取碣磔城名在山東東昌府在平縣西南進圍滑臺魏帝自將

救之眾號百萬鞞鼓之聲震天地玄謨懼退魏人追擊破之宋人

欲斬玄謨慶之止之曰佛狸威震天下控弦百萬豈玄謨所能當

且殺戰將以自弱非計也佛狸太武小字也太武引兵南下臨江

而還殺掠不可勝計所過郡縣赤地無餘春燕歸巢於林木五節

魏中常侍宗愛險暴多不法太子晃是惡之愛譖殺東宮官屬晃以

憂卒太武追悼不已愛懼誅弒帝立南安王余太武庶子既而又弒余魏

人立晃之子濬是為高宗文成帝執愛族誅之太武經營四方國

頗虛耗重以內難朝野楚楚文成嗣以鎮靜懷集中外人心復安

五節晉八王亂後戎狄竊據北帶之地互相攘奪者百有餘年漢

及前趙劉氏夏赫連氏北涼沮渠氏匈奴也後趙石氏羯也燕慕

容氏西秦乞伏氏南涼秃髮氏鮮卑也前秦苻氏後涼呂氏氏也

後秦姚氏羗也謂之五胡成李氏據中帶西境雖稱巴氏其實蠻也併五胡為六夷慕容氏前後四國曰前燕後燕西燕南燕又有前涼張氏魏冉氏西涼李氏北燕馮氏皆漢人也凡十五姓而為國十九然漢與前趙一姓相承實一國也冉魏西燕建國甚短不足齒於列國故舊史以一趙前趙四燕前燕後燕南燕北燕三秦前秦後秦西秦五涼前涼後涼南涼西涼嘗主中原符秦又於五氏中為最盛焉成二趙冉魏前燕前涼六國先於符秦而亡二秦後秦西秦四燕後燕西燕南燕北燕四涼後涼南涼西涼北涼及夏十一國皆後於符秦而起及拓跋氏滅夏燕涼僭偽小國始盡絕蹤漢土分屬二大國宋因晉遺業有中南二帶即古吳越楚蜀之地也魏據有北帶即古秦晉燕齊之地也北謂南為島夷以其僻在海隅也南謂北為索虜以其俗以索辨髮也兩主各稱至尊而不相下號曰南北朝

第二章 宋齊篡弒相仍

五節宋帝義符既以童昏被廢文帝嗣位二十餘年間號為小康及擊魏大敗所在罹兵燹邑里蕭條元嘉之政衰矣文帝在位三十年太子邵多過失數為帝所詰責使巫祝詛帝事覺帝擬廢之邵弒帝而自立邵弟武陵郡名屬鄧州今湖南常德府王駿舉兵討邵宋人立駿是為世祖孝武帝邵戰敗被誅五節孝武在位十一年崩太子子業立孝武疎忌骨肉多誅殺至子業尤甚畏忌諸父湘東郡名屬湘州今湖南衡州府王彧等拘於殿內毆捶陵曳無復人理恣為不道中外騷然宋人弒之而立彧是為太宗明帝子業弟晉安郡名屬江州今福建沿海地王子勛自立於尋陽郡名屬江州今江西九江府明帝擊滅之遂殺孝武子十餘人帝寢疾以太子幼弱深忌諸弟盡殺之惟桂陽郡名屬湘州今湖南郴州桂陽州王休範以庸劣得全及病篤以休範為司空與褚淵袁粲沉攸之等並受顧命淵薦蕭道成為右衛將軍共掌機事明帝在位七年崩太子昱立年十歲

休範舉兵反攻建康蕭道成擊斬之五二宋帝昱在位五年驕恣

嗜殺鉞椎鑿鋸不離左右一日不殺則慘然不樂中外惶懼蕭道

成與袁粲褚淵謀廢立粲沮之淵默然道成遂弑昱而立昱弟安

成郡名屬江州今江西吉安府安福縣及袁州府王準是為順帝袁粲謀誅道成褚淵以其謀告

道成粲父子被殺於石頭百姓哀之曰可憐石頭城寧為袁粲死

不作褚淵生沉收之亦舉兵江陵討道成軍潰走死道成為相國

齊公加九錫尋進爵為王順帝在位二年禪位於齊泣而彈指曰

願後身世世勿復生天王家齊人殺之而滅其族宋凡八帝武帝廢帝

文帝孝武帝廢帝子業明帝廢帝昱順帝六十年而亡五二齊王道成稱帝是為齊太祖高帝

在位四年崩太子頤立是為世祖武帝武帝在位十一年崩太子

長懋已卒太孫昭業立昭業狂昏好與羣小作諸鄙戲在位一年

尚書令蕭鸞弑之而立昭業弟新安郡名屬揚州今浙江嚴州府西境安徽徽州府王昭文鸞自

為宣城郡名屬揚州今安徽寧國池州二府廣德州王昭文即位未四月鸞又廢之而奪其位

是為高祖明帝明帝高帝之兄子也高帝養之恩過己子而武帝

太子長懋惡之及明帝得志殺高武子孫殆無遺類五二明帝在

位四年崩太子寶卷立寶卷昏淫兇恣親信嬖倖屢誅大臣賊虐

日甚太尉陳顯達舉兵襲建康敗死將軍崔慧景受命出討叛州

還軍逼建康時豫州寄治歷陽今安徽和州刺史蕭懿將兵在近寶卷急召入

援慧景敗死懿為尚書令五二懿弟衍英達有器畧為雍州今湖北襄陽府

刺史鎮襄陽知齊將亂密修武備招聚驍勇行使人勸懿行伊霍

故事不爾亟還歷陽懿不能用竟賜死衍起兵東下寶卷弟南康

郡名屬江州今江西贛州府王寶融稱帝于江陵是為和帝以衍都督諸軍衍進圍

建康齊人弑寶卷而迎之寶卷在位三年追廢為東昏侯衍自為

相國梁公加九錫尋進爵為王和帝至姑熟禪位于梁在位僅一

年梁人殺之齊凡七帝高帝武帝廢帝昭業廢帝二十四年而亡梁王衍

稱帝是為高祖武帝

第三章 魏孝文尚文治

五二節魏文成帝以宋帝子業景和元年

魏和平六年我紀元千二百二十五年

崩太子弘立是

為顯祖獻文帝獻文即位初宋邊帥多叛附于魏宋明帝遣將擊

之大敗魏因取淮北地獻文聰睿夙成剛毅有斷而好黃老佛陀

之學常有遺世之心嫡母馮太后猜忍多智獻文畏之皇子宏生

太后自撫養之立為太子獻文年甫十八傳位於宏自稱太上皇

帝時宏生五年矣是為高祖孝文帝太上徙居北苑采椽土階與

禪僧共居焉然以孝文幼仍聽大政太后有所幸李奕太上由事

誅之后怒鳩殺太上臨朝稱制

五二節

後魏起夷狄專以刑殺為政

倚盧為代王用法甚嚴國人犯罪者或舉部就誅老幼相攜而行

人問何之曰往就死無一人敢逃匿者道武誅人或夷五族其克

劉衛辰也收宗黨五千餘人無少長盡殺之末年被疾刑罰濫酷

明元承之吏文亦深太武命崔浩更定律令詔中書以經義決疑

獄然如崔浩之誅同宗連姻盡赤其族僚屬僮吏百餘人皆戮死

則亦仍父祖舊習也獻文上皇慎刑獄始減門房之誅非謀反大

逆及外叛罪止其身馮太后稱制又詔五族者降止同祖三族者

止一門門誅者止身及孝文親政專尚文治不任威刑於是刑戮

稍減

五二節

孝文性至孝事馮太后能承顏順志后崩帝哀毀過禮

喪服一遵古制初后忌帝英敏欲廢之盛寒閉空室絕其食三日

因大臣固諫乃止帝初無憾意又有宦者譖帝於后后杖帝數十

帝默然受之及后崩亦不復追問

五二節

帝恭儉好學精勤政事日

夕不倦均民田制戶籍作明堂辟雍靈臺修郊廟之禮定樂章正

祀典養老于明堂親耕藉田凡先王禮制儒書所述者無不舉行

世稱其有太平之風

五二節

帝惡國俗之陋欲遷都以變舊風恐羣

臣不從乃詔大舉伐齊步騎三十餘萬自將至洛陽羣臣皆賴于

馬前請停南征帝曰今者興發不小動而無成何以示後苟不南

伐當遷都於此乃營洛都遂遷焉禁胡服禁胡語改國姓為元氏諸功臣舊族自代來者姓多重復皆改之為諸弟娶中州名族而使以前妻為妾媵其所親任多中州儒生宗室勳舊不悅太子恂私著胡服欲奔還平城帝廢為庶人尋賜死代人戀舊土有謀反者討平之蓋帝優於文學深慕華風欲興文治以比隆於三代故不欲僻處恒北也然南遷之後武事漸弛俗趨紛華國勢之衰實始於此矣

第四章 魏衰亂

五三○節魏孝文帝以齊帝寶卷永元元年魏太和二十三年我紀元千二百五十九年武烈帝元年崩太子恪立是為世宗宣武帝宣武疎忌宗室驕倖擅權魏政寢亂以梁武帝天監十四年魏延昌四年我紀元千七百七十五年繼體帝九年崩太子詡立是為肅宗孝明帝時年六歲母胡氏為太后稱制將軍張彝之子仲瑀上封事排抑武人於是喧謗盈路羽林虎賁近千人相率至尚書省詬罵以瓦石擊省門上下懼莫敢禁討遂焚彝第由彝父子毆捶投火中遠近震駭太后收其凶强者八人斬之餘不復治大赦以安之懷朔鎮在內蒙古烏刺忒旗東北函使高歡至洛陽見張彝之死還家傾貲以結客或問其故歡曰宿衛相率焚大臣之第朝廷懼而不問為政如此事可知矣財物豈可常守邪歡自先世徙北邊遂習鮮卑之俗沉深有

大志與侯景等相友善以任俠雄鄉里五三一節胡太后妹壻元叉恃寵驕恣遂幽太后而專政貪虐民北邊六鎮武川撫冥懷朔懷荒柔玄御夷皆在長城北離叛太后誅叉而再臨朝內嬖用事政刑縱弛盜賊蜂起封疆日蹙孝明寢長太后自以所為不謹務為壅蔽母子嫌隙日深秀容城在山西朔平府朔州北境酋長爾朱榮討賊有功為六州并肆汾唐恒雲大都督高歡見榮勸舉兵清君側會太后鳩殺帝立宣武姪孫釗榮乃舉兵至

河陽縣名屬河內郡今河南懷慶府孟縣立孝文之姪長樂王子攸是為敬宗孝莊帝執胡后及幼主釗沈之河殺王公以下二千餘人而還晉陽討劇賊

葛榮平之自為大丞相得宇文泰愛其才以為統軍泰鮮卑宇文部之胤也五三孝文之姪北海王顥奔梁武帝立顥為魏王遣

將送入洛陽莊帝奔河內榮渡河擊顥顥走死莊帝歸洛加榮天

柱大將軍榮蓄不臣之志帝陰謀誅之榮入謁帝手刺之榮從弟

世隆與榮弟北共立宗室長廣郡名屬青州今山東萊州府平度州王曄孝文之從祖弟北入洛執

莊帝還晉陽弑之使高歡統六鎮世隆又廢曄立孝文之姪廣陵

王恭是為節閔帝歡起兵據鄴立宗室元朗擊爾朱氏破之入洛

廢節閔及朗而立宣武之姪平陽王脩是為孝武帝節閔及朗曄

皆為孝武所殺歡為大丞相建府於晉陽居之五三時賀拔岳都

督關西二十州雍二華二夏二岐三梁東益十一州今陝西省二秦幽涇以夏州今陝

林府及內蒙古鄂爾多斯地被邊要重表宇文泰鎮之岳為秦州刺史侯莫陳悅所

殺泰討悅誅之悉定泰隴孝武帝以泰為關西大都督帝畏歡謀

伐晉陽歡擁兵來帝奔長安依泰拜為大丞相歡追帝不及乃立

宣武姪孫清河世子善見于洛陽遷于鄴是為孝靜帝魏自此分

為東西二國先是熒惑入南斗梁武帝以諺云熒惑入南斗天子

下殿走乃跣而下殿以讓之及聞魏帝西奔慙曰虜亦應天象邪

孝武居長安半年又與泰有隙遇醜而崩泰立宣武之姪南陽王

寶炬是為文帝高氏與宇文氏連年相攻戰互有勝負

第五章 侯景亂梁附北齊代東魏

五三東魏高歡病篤謂世子澄曰侯景有飛揚跋扈之志非汝所能

駕御堪敵景者唯慕容紹宗我故不貴之留以遺汝景專制河南

十餘年素輕澄及歡卒景舉河南十三州二豫二荆洛廣二陽襄穎南兗十一州今河南省大河以南兗濟二州今

山東西南境附于梁時梁與東魏和邊疆無事羣臣不欲納其叛臣嬖人

朱异勸武帝納之封河南王遣兄子貞陽侯淵明蕭懿之子督諸將擊

東魏高澄遣慕容紹宗拒戰敗之擒淵明遂討景景南走奪梁壽

陽據之梁就以為南豫州牧澄求成于梁以間景景遂叛梁引兵

渡江襲建康

五三節梁武帝孝慈恭儉博學能文勤於政務早起視

事身衣布衣一冠三年深崇佛法長齋斷魚肉日止一食惟菜羹

糲飯而已屢捨身佛寺自稱三寶奴又疎簡刑法優假太過姦吏

招權弄法牧守多侵漁百姓在位四十八年江南久無事武備廢

弛及侯景逼臺城公私駭震援軍至者為景所敗太清三年武帝四十八年

魏文帝大統十五年東魏孝靜帝武定七年我紀元千二百九年欽明帝十年景佯求和武帝遣人與景盟以為大丞

相景攻陷臺城縱兵掠乘輿服御宮人帝為景所制飲膳亦被裁

損憂憤成疾口苦索蜜不得再曰荷荷而崩太子統仁孝好學卓

卒謚昭明帝捨嫡孫而立統弟綱為太子至是即位是為太宗簡

文帝簡文既立受制於景而已五三節東魏高澄以大將軍秉政陰

謀受禪為其下所殺弟洋自為丞相齊王逼靜帝禪位尋殺之東

魏亡洋稱齊帝是為顯祖文宣帝追尊歡及澄皆為帝史謂之北

齊以別於蕭齊五三節是時梁國大亂諸王據州郡互相攻擊湘東

王繹鎮江陵邵陵郡名屬湘州今湖南寶慶府王綸在江夏郡名屬鄧州治汝南縣今湖北武昌府各自稱假

黃鉞都督承制皆簡文之弟也昭明太子之子岳陽王詵鎮襄陽

為繹所攻遣使求援于西魏請為附庸西魏立誓為梁王繹襲取

郢州今湖北武昌漢陽二府及湖南北境綸奔齊齊亦以綸為梁王魏兵攻殺之五三節

文在位二年侯景廢而殺之立昭明太子之孫豫章王棟已而廢

棟自稱漢帝始興郡名屬湘州今廣東韶州府太守陳霸先起兵討景進取江州繹

以為刺史繹又遣王僧辨伐景景篡立數月為僧辨霸先所敗東

走欲入海為其下所殺送尸建康僧辨傳首江陵截其手送于齊

暴屍于市士民爭取食之并骨皆盡繹自立于江陵是為世祖孝

元帝自景之亂江北州郡入於東魏尋屬齊漢中蜀川亦為西魏

所并梁之疆土畧與孫吳相似

第六章 周代魏陳代梁附北齊

五四節魏宇文泰崇儒好古嘗舉蘇綽為尚書綽性忠儉以濟民為己

任泰推心任之始制計帳戶籍之法後人多遵用之又為六條詔書一曰清心二曰敦教化三曰盡地利四曰擢賢良五曰恤獄訟六曰均賦役令百司習誦之頒新制三十六條使

刺史守令皆依之百姓便之晉氏以來文章競為浮華泰欲革其弊命綽仿周書體作大誥宣示羣臣自是終宇文氏之世詔誥多

依此體綽卒泰與羣公步送葬酌酒言曰爾知吾心吾知爾心方與共定天下遽捨吾去奈何舉聲慟哭不覺卮落於手泰以太師

兼魏政文帝充位而已帝崩太子欽立密謀誅泰泰廢而弒之立其弟齊王廓是為恭帝一節泰遣柱國于謹擊梁入江陵元帝焚

古今圖書十四萬卷以寶劍擊柱折之歎曰文武之道今夜盡矣乃出降或問何意焚書曰讀書萬卷猶有今日尋被殺在位三年

魏取襄陽徙梁王譽于江陵立為梁帝屯兵守之是為中宗宣帝稱臣於魏史謂之後梁二節王僧辨陳霸先奉元帝子晉安王方

智為太宰承制齊文宣帝立蕭淵明為梁王以兵納之僧辨奉歸建康以方智為太子霸先殺僧辨廢淵明立方智是為敬帝敬帝

在位三年霸先為丞相尋為相國陳公遂篡位帝尋遇害梁凡四世武帝簡文帝元帝敬帝五十六年而亡霸先稱陳帝是為高祖武帝在位二年

崩兄子臨川郡名今江西撫州建昌二府王倩立是為世祖文帝文帝在位七年崩太子伯宗立伯宗在位二年叔父安成王頊廢之而自立是為高

宗宣帝三節初宇文泰以漢魏官繁命蘇綽等仿周禮更定六官至魏恭帝三年梁敬帝太平元年齊文宣帝天保七年我紀元千二百十六年欽明帝十七年始行之泰為太師大冢

宰是歲卒世子覺襲職封周公時年十五從兄宇文護受泰顧命輔之恭帝禪位於周明年梁太平二年十月以後陳武帝永定元年周孝周公覺

稱天王追尊泰曰太祖文王封魏帝為宋公尋殺之魏自道武稱帝至是十四世道武帝明元帝太武帝文成帝獻文帝孝文帝宣武凡百五十九年

而亡護封晉公為大冢宰周王惡護之專權密謀除之護廢而弒之立王庶兄寧都公毓為天王尋稱帝是為世宗明帝尊文王曰

文帝明帝明敏有識量護憚之進毒弒之弟魯公邕立是為高祖武帝五四節齊文宣帝嗜酒淫泆肆行狂暴每醉輒手殺人以為戲樂諸王大臣冤死者衆又夷魏宗室二十五家收諸元七百餘人盡殺之棄尸漳水文宣崩太子殷立叔父常山王演廢殷而自立是為肅宗孝昭帝孝昭崩弟長廣王湛立是為世祖武成帝武成淫虐不減於文宣傳位太子緯自稱太上皇帝仍總大政太上崩緯亦昏亂嬖倖用事誅殺賢能齊政愈紊陳宣帝遣將擊齊取沿淮諸郡

第七章 周平齊隋代周并梁陳

五四節周武帝深沉有遠識以晉公護秉政深自晦匿無所關預護自受太祖顧託擅威福者十有六年諸子僚屬皆貪殘恣橫武帝與弟衛公直等謀召護入手擊之護踣於地直出斬之帝始親政追尊廢王覺為孝閔帝叱奴太后崩帝行三年之喪素重儒學禁佛

道二教毀諸淫祠政事嚴明稱為賢主五四節武帝聞齊國亂自將

東伐取平陽取晉陽遂圍鄴齊帝高緯傳位於太子恒而出走周

兵追獲之周興師未半年而悉平齊五十州齊凡六世文宣帝廢帝殷

後主緯二十八年而亡帝還長安獻俘於太廟封緯為溫公已而殺

之夷其族五四節周宣政元年武帝十八年陳宣帝太建十年我紀武帝崩太子

贊立是為宣帝立楊堅女為后堅父忠仕魏及周以功封隋公堅

襲爵為亳州今屬安徽總管堅相表奇異或嘗告武帝堅有反相堅

聞之深自晦匿及宣帝立以為大司馬五四節宣帝淫戲無度立未

一年傳位於太子闡是為靜帝上皇驕侈彌甚自稱天元皇帝所

居名天臺自比上帝令羣臣朝者致齋天元崩靜帝幼冲近臣以

楊堅有重名矯遺詔以堅輔政堅自為大丞相假黃鉞進相國隋

王加九錫尋受禪封靜帝為介公周凡五世孝閔帝明帝武二十五年

而亡隋王稱帝是為高祖文帝文帝秉周政僅九月安坐而取二

百餘州自古篡國之易未有如隋者也雖有周臣起兵匡復帝猶假周之國力不半歲殄滅之諸王數謀殺帝帝以次誅鋤及即位遂夷滅宇文氏之族殆無遺種靜帝亦遇害五節初蘇綽在西魏

以國用不足為征稅法頗重既而歎曰今所為者正如張弓非平

世法也後之君子誰能弛之綽子威聞其言每以為己任文帝徵

威為度支尚書威奏減賦役務從輕簡帝又命有司修正周法采

魏晉以下律折衷之制五刑曰笞杖徒流死死刑二絞斬去前世

梟轆及鞭法族罪止謀叛以上後世多遵用之又改官制除周六

官復依漢魏之舊而加增損置吏民禮兵刑工六部尚書六部之

稱自此始五五節初梁宣帝為魏所立其所統數郡而已魏亡臣於

周宣帝殂太子歸立是為世宗孝明帝孝明時周亡復臣於隋孝

明殂太子琮立隋帝廢梁國賜琮爵莒公後梁稱帝三十三年而

亡五五節初陳宣帝在位十四年崩太子叔寶立叔寶耽佚遊起三高

閣飾以珠玉與妃嬪狎客日夕酣歌政刑墮紊文武解體隋開皇

八年陳帝叔寶禎明二年我崇峻帝元年下詔伐陳命皇子晉王廣督兵五十萬自八道

進叔寶聞之謂侍臣曰王氣在此彼何為者尚書孔範曰長江天

塹虜軍豈能飛渡邪臣每患官卑虜若渡江臣定為太尉公矣範

常自謂文武才能舉朝莫及故敢大言也叔寶然之奏伎縱酒賦

詩不輟明年隋將賀若弼自廣陵見四九節濟江陳人不覺韓擒虎自


橫江浦名在安徽和州城東南宵濟采石山名在安徽太平府城西北守者皆醉不能拒沿江諸戍望

風盡走擒虎入建康叔寶自投于井隋軍俘之以歸獻于太廟是

歲我紀元千二百四十九年崇峻帝二年也陳稱帝五世武帝文帝廢帝伯宗

宣帝後主叔寶凡三十二年而亡自晉元帝南渡江東相承者五代東晉宋齊梁陳凡

二百七十三年始為北朝所并漢土復歸於一矣



Rectangular stamp with illegible text.

Rectangular stamp with illegible text.

Rectangular stamp with illegible text.

Rectangular stamp with illegible text.

16


35

(M)

新通史

卷一

新



新

